

三年一次照刷文卷例

成化九年四月初九日四川等道掌道事江西
道監察御史楊宇隨等

奏為照刷

文卷事嘗聞為治在遵乎旧章竊政者多先於
姑息蓋先王之立法垂憲悉皆心周慮於其

間故奸弊不生國常治安後人之行法者往往
曲徇人情流於姑息故法度一弛万事瓦裂詩
曰不愆不忘率由旧章者此也仰惟我

祖宗建立

鴻圖法古為治首治內外諸司設官別職以分

掌天下故事必命載於案牘所以備遺忘也又
恐所司之人上下颺營相與搆弊必命監察御
史按察司分巡官一二歲或三歲照刷所以革
奸宄也在內有京畿道外各有按察司分巡道

分頒降印信皆為照刷文卷而設尚慮歲久不
卒後將无稽又

欽定憲綱載照刷文卷之條目

欽降諸司職掌分照刷文卷之衙門

廟筭神謀周慎詳密所謂有典有則昭厥子孫者也所謂
文武之布在方策者也夫照刷之制專也革天
下貪官污吏之弊有益於

国无病於民洪永武樂宣德年間循例奉行不敢以兵荒
災異而或停罷迨正統年未始有兵荒停止之
議此皆貪官污吏畏罹刑憲以求怙息於一時
之意耳就於兵荒之事言之師旅之興供賞
餉出入不貲其間能保其悉秉至公乎凶荒之
歲功借賑濟費用无算其間又能保其尽无私

意乎或月少而作多或未散而作已散官吏乘
机入己軍民不蒙实惠若不照刷其案牘則神
出鬼沒其弊万端孰得而知之哉近年以來因
循不卒故内外臣工尸位竊祿玩揭歲月時於
罔罔肯究心遲違舛錯倒行逆施懵然无知如
同夢裡甚至不顧四維之徒或侵盜錢糧或鬻
放匠役或出入人罪或多派物料或征歛无藝
或賦役不均奸弊浸滋不可悉卒苞苴邪縫人
望誰何皆由案牘不清之故茲者都察院查照
旧例是奏奉行蒙

俞允賜勅遣去繼而因刑科左給事中虞瑤等所奏以將
南北直隸山東山西陝西河南及兩廣等處俱
暫停止今後府寺府事大傳會昌侯孫繼宗等

又奏稱地方災傷用度艰难奏行停止此臣等之所以未論也何則南北直隸山東山西等處差去官吏監生日食廩給伍弁雜給與公帑先貸於民家灾傷停止其說猶通又給事中係言官民與文案無干言之宜也在京官吏監生自用常祿紙劄筆墨支給官錢何病於軍民何妨於國事而亦自灾傷於言况係繼宗等俱係五府管事官員照刷文卷止以稽其情弊事涉嫌疑即當自啓不暇痛加修省嚴督所屬官吏各尽厥職可也乃敢肆逞威權自要停止又代六部等衙門具奏以求姑息且俱文移俱是當日立案隨即施行首尾相連文卷已定今遇送刷每卷一宗不过用刷尾一張而已然亦官吏之

事自行補辦且又與軍民無干若官吏旋補文案以避違錯律有明禁正係官吏奸弊而孫繼宗等却將當行公務奏稱行移紙劄費用等項難以計數未完科擾下人深為可憐其言比與舊制當日立案不同盖是各官平昔通行所屬官吏任情

多弊多无案牘今若照刷罪必及身故設為奸計假借灾傷以求倖免而已臣等查得天下諸司文卷自景太六年以後不曾照刷天順四年都察院奉行尋蒙停止以因循不敢再奏續至一十九年今本院查例奉行諸司官吏方知事有文卷案各有畏心而係繼宗等又奏要比例停止荷蒙

皇上仁慈逐信其果有干於軍民

特允所奏以候豐年正所以中其奸計也以故諸司官吏
奸貪如旧不復顧慮設若後日再奏諸司官吏
必得仍托災傷奏乞停止則是在京文卷終可
刷矣且光祿司亦在京衙門何独不論灾傷按
月照刷者以光祿寺有繫官吏其五府等衙門
官吏俱无弊乎况京城者都會之地天下瞻仰
既已停止若不預為处置誠恐南京并浙江等
處亦將緩倒具奏四方之聞遂以為例其流之
弊不可勝言然既往之難以追將來之弊化可
救正伏乞望

皇上遵祖宗之旧制為社稷之新圖將照刷文卷之典
斷定年分永為遵守仍將會昌侯孫繼宗襄城侯李瑾撫
寧侯永永豐城侯李永都督同知張欽趙勝都

督僉事白珣拿送法司以正其欺罔避事之罪
通行未刷卷衙門官吏各令改正隨令文案以
備照刷不許仍蹈前非以圖倖免如此則舊
舊制不廢案牘得清而官吏不敢作弊矣臣等照刷文卷
乃其職分正事得失宜所當言區區犬馬之誠
不勝惓惓為

國之至緣係申明照刷文卷事理及孫繼宗等係應議
并堂上官員未敢擅便悞題火日

於

奉天門奏

聖旨見刷文卷并停止待刷的都從成化元年為始至八
年終止以後三年一次照刷不許違誤孫繼宗
罷欽此